

Liturgie zondag 10 maart in de Hervormde kerk te Vinkenbuurt

-welkom en ofkondegingen

-zingen: psalm/Lied 121: 1 en 2

1. Noar boven kiek ik en ik zie
de hoge bargaen staon, woar komp mien hulp vandoan?
Mien hulp is van de Here die
dit alles hef eschoapen
mien wachter zal niet sloapen.

2. Hi-j höldt oe, as ie strukelt, vast
as wi-j gien oetweg ziet: oons wachter slup toch niet!
Zien oog wordt deur gien sloap verrast
Hi-j zal altied de meensen
van zien bescharming geven.

Oonze Hulpe en Een Groet van God

-zingen: Psalm 121: 3 en 4

3. De Heer bewaart oe in zien haand;
bi-j dag en ok bi-j nacht holdt Hi-j veur oe de wacht
Hi-j is as schaduw an oen kaant
Daags kuj de zun verdragen
'snachts zal de moan niet ploagen

4. De Heer zal d'ogen op oe hol'n
Hi-j maakt ut kwoade goed, Hi-j is ut den oe hoedt
Hi-j zal oen kommen en oen goan
Wat ai-j ok met zult maken
In iewigheid bewaren.

-de tien woord'n

-zingen **Lied 280 'De bliedschop voert oons noar dit huus'**

1 De bliedschop voert oons noar dit huus
woar 't Woord an oons geschiedt.
God röp zien Naom over oons uut
en wekt in oons het lied.

2 Dit huus van holt en stien,
dat lang de stormen hef deurstoan,
woar nog de wolk gebeden hangt
van wel oons veur bint goan.

3 Dit huus dat alle sporen hef
van wat moar mèensen bint,
O, God die alles veur oons gef,

wees Ie toch het gebint.

4 Is dit een huus, een ploatse woar,
de hemel open brek?
Woar Ie oons veilig schoelen loat
is dit oen eigen plek?

5 O, loat oons zien Oen Angezicht
oen Noam die met oons löp,
en heilig hier oons met oen licht,
het Woord dat hier oons röp.

6 Vervul oons met een nei verstoan
van 't Woord, woarin Ie leeft,
en wees bi-j oons in't hemelsmoal
het Brood, dat Ie oons geeft.

7 Dit huus slet met oons an de tied
moar blieven zal de kracht,
dat wie hier schuult ok met Oe giet
tot alles is volbracht.

-gebed

-Biebellezing uut Johannes 5: 16-19

Umdat Jezus disse ding deed op de sabbat was't dat de Jöden tegen um in't geweer kwam'n. Maar Jezus zi-j: "Mien Va warkt an ien stuk verdan, doarumme doe ik dat ok. Vanof dan probeerd'n de Jöden um hum van kaant te maken: Hi-j had ja niet allennig de sabbat ontheilgd, maar Hi-j had ok God zien eig'n Va e'numd en zich zo an God geliek emaaft. Jezus reageren met de volgende woord'n: "Woarachtig woar ik zeg Oe, van zichzelf kan de zönne niks doen, Hi-j mut ut de Va eerst zien doen. Want wat de Va döt, dat döt de zönne op dezölfde wieze.

-zingen: Gezang 328/Lied 314: 1, 2 en 3

Heere Jezus, ut gebeurt
Daw veur Oen Woord bint tesamen
Lauw met 't hart dat noar Oe heurt
Oen genade niet beschamen
Heilig oons daw Oe kunt geven
Hart en ziel en heel oons leven

Oons gevuul en ons verstaand
Hef't niet aaltied op de riege
As Oen Geest mi-j dan niet helpt
En ik doardeur helder kriege
Want 't goeie doen en deanken

Mut Ie aaltied zelf nog scheanken

O, Ie glans van heerlijkheid
Licht uut Licht uut God geboren
Maak ons kloar veur deeuwigheid
Maak ze lös, hart, mond en oren
Dat oons bidden en oons zingen
Tot de hemel deur mag dringen

-preke

-zingen: Gezang 446/Lied 512

1. O, Jezus hoe vertrouwd en goed
klinkt mi-j oen naam in 't oor
oen naam dien mi-j geleuven döt
Ie goat mi-j reddend veur.

2. Oen naam die oonze wonden heelt
en oons ut manna gef
die oonze dood en zunde deelt
en oonze vrees verdref

3. Mien herder en mien held, profeet
mien koning en mien moat
mien priester die mien schuldvergef
mien weg woarop ik goa

6. O Jezus hoe vertrouwd en goed
klink mi-j oen naam in 't oor
as ik van alles scheiden mot
giet nog die naam m-j veur.

7. O Naam, iewige odemtocht
een starveling bin ik
as iens mien eigen odem stukt
dan draagt mi-j oen muziek.

-Geleufbeliedenis

Ik geleufe in God, de Va, de Almachtige,
Schepper van d' hemel en van d' aarde;
en in Jezus Christus, zien ienig geboren Zeune, oonse Heer,
den der ekommen is deur de Heilige Geest,
geboren uut de maagd Maria,
den leen hef,
onder Pontius Pilatus ekrusigd is,
esturm en begraven,
umdalevaar'n noar ut riek van de dood,
den op de darde dag weer opestoane is ut de doden,

den opevaar'n is noar de hemel,
den zit an God zien rechterhaand, de almachtige Va,
den doarvandoar komm'n zal um te oordelen
die in en ut de tied bint.
Ik geleuf in de Heilige Geest.
Ik geleuf een heilige, Christelijke karke den overal op eerde is,
de gemeenschap van de heiligen
de vergeving van zunde
ut weer opstoan van het lichaam
en een iewig leev'm.
Dat ut zo mag ween!

-zingen Lied 305 `Alle eer en alle glorie`

1 Alle èer en alle glorie
geldt de aldermooiste noam!
Vier de vree die Hi-j op 't heden
oetröp over oons bestoan.
Angezicht vol van licht,
kiek oons an en wees begoan!

2 Alle èer en alle glorie
geldt de Zeun, de arfgenoam!
As genoade die oons toekomt
is Hij ooze neie noam.
Licht oet licht, vergezicht,
steek oos met oen stroalen an!

3 Alle èer en alle glorie
geldt de Geest die leven gef,
die de ienheid in oos oademt,
vlam woardeur vertrouwen blef!
Wel van leven, liefdesblös,
maak veurgoed de tongen lös!

-gebeden

-collecte

-zingen: Gezang 392/Lied 247

1) Blief bi-j mi-j Heer, want d'oavend komt mi-j noa.
't Tweeduusterd overal in mien bestoan.
As al mien noabers Heer, verdwient als sni-j
In't dichste duuster Heer, blief dicht bi-j mi-j

2) De blui van't leven is zo kort van tied
niks dat d'r blef, wi-j raakt hier alles kwiet
alles spuult weg in't wisselend geti-j
maar Ie die altied bint, blief dicht bi-j mi-j

3) Oe bin ik neudig, Oen genoade is
Mien ienig Licht in nacht en duusternis
Wie anders vindt ik steeds weer an mien zi-j
In nacht en stried O Heer, blief dicht bi-j mi-j

4) Ik vrees gien kwoad, want bi-j mi-j is de Heer
troanen en leed bint nauw niet bitter meer
Woar is oen stekkel, dood, wat dreig ie mi-j
Hold mi-j op d'biene Heer, blief dicht bi-j mi-j

5) Hoal hoog oew kruis Heer veur mien donkrend oog
Oen Licht in 't duuster, wes mi-j't pad umhoog
Nevel en nacht trekt op, de dag wordt ni-j
In dood en leven Heer, blief Ie bi-j mi-j!

Zegen

de gemiente antwoordt met;
Mag ween, mag ween, zo mag't ween
(Amen, amen, amen)